

皇清經解卷一千五十六終

嘉應葉 輪舊校  
番禺黎永 椿新校

皇清經解卷一千五十七

學海堂

積古齋鐘鼎彝器欵識

儀徵阮宮保 元 著

商周銅器說

三代時鼎鐘為最重之器故有立國以鼎彝為分器者武王有

分器之篇書序武王封諸侯魯公有彝器之分左定四年分魯

康叔大呂分唐班宗彝作分器叔姑洗皆鐘也是也有諸侯大夫朝享而賜以重器者周王子

號公以爵莊二十一年鄭伯之享王也王以后之鞶鑑予之號

器也說文鑑大盆也鞶與槃盤皆通借故左定六年定之盤鑑

釋文又作鞶易訟鞶帶釋文或作槃可見鞶非本字鄭伯以其

為婦人之物而惡之耳杜注解為帶飾以鑑此望文生義夫以

小鏡飾于鞶帶之上經傳無徵且即令如此當云鑑鞶今云鞶

鑑文義晉侯賜子產以鼎左昭七年晉侯賜子產莒之二方鼎是也有以小事大

而賂以重器者齊侯賂晉以地而先以紀甗左成二年魯公賂晉卿

是書經解 卷三十五 阮宮保鐘鼎彝器欵識 一 庚申補刊

以壽夢之鼎 左襄十九年公享晉六卿賄荀偃 鄭賂晉以襄鐘

左成十年鄭子罕賂晉以襄鐘杜注鄭襄公之廟鐘 齊人賂晉以宗器 左襄二十五年杜注宗器祭祀之器

陳侯賂鄭以宗器 左襄十五年 燕人賂齊以犂耳 左昭七年 徐人賂齊以

甲父鼎 左昭六年 鄭伯納晉以鐘罍 左襄十一年 是也有以大伐

小而取為重器者魯取鄆鐘以為公盤 左襄十二年 齊攻魯以求岑

鼎 呂氏春秋齊攻魯未岑鼎魯君載他鼎鼎以往齊侯弗信又見說苑新序 是也有為述德傲身之

銘以為重器者祭統述孔悝之銘叔向述讒鼎之銘 左昭三年 孟僖

子述正考父鼎銘 左昭七年 史蘇述商衰之銘 晉語 是也有為自矜之

銘以為重器者禮至銘殺國子 左僖二十五年 季武子銘得齊兵 左襄十九年

是也有鑄政令于鼎彝以為重器者司約書約劑于宗彝 周禮

秋晉鄭鑄刑書于刑鼎 左昭六年又 是也且有王綱廢墜之時

以天子之社稷而與鼎器其存亡輕重者武王遷商九鼎于洛

楚子問鼎于周 左宣三年 秦興師臨周求九鼎 戰國策 是也此周以前

之說也

商周兵器說

三代以上稱人之戰者曰卒伍軍旅不曰兵曰兵者戈戟弓矢

之屬之專名也古兵矛三尋為最長經傳中罕見用之所用者

戈為多戈之存于今者甚多以今尺橫度之不過數寸其秘長

古尺六尺六寸僅與中人之身等耳鄭注考工記古矢鏃長二

寸近人得古長平銅箭鏃與之合以周尺計之亦僅當今尺一

寸二分強耳古劍今存者運肘度之首與肘齊末與指齊亦甚

短矣先王之制兵非不能長且大也限之以制度行之以禮本

之以仁故甚短小也

董武鐘

海鹽吳侃叔

東發

云動古通董周禮春官大祝辨九擗四曰振

動鄭大夫云動讀爲董書亦或爲董春秋左昭三年傳余髮如此種種釋文徐本作董董此鐘文作勳似古董字作鐘銘功故曰董武左昭十三年傳云董之以武師是也

旅鐘

爾雅釋詁旅陳也彝器凡言旅者皆臚陳之義此鐘甚小當是歌鐘左襄十一年傳云歌鐘二肆杜注肆列也縣鐘十六爲一肆此曰旅者蓋陳列之義

虎父丁鼎

古器作亞形者甚多宋以來皆謂亞爲廟室錢獻之以爲亞乃古黻字兩已相背取黻冕相繼之義元謂黻與黼同爲畫繪之形黼形象斧明矣兩已相背已何物耶蓋亞乃兩弓相背之形言兩已者譌也漢書韋賢傳師古注曰紱畫爲亞文亞古弗字也師古此說必有師傳經傳中彌佛弗每相通假音亦近轉說文彌解曰輔也重也輔者以輔戾弓之不正者卽考工記弓人之菱鄭注所謂弓檠是也重者二弓也說文弗字收于丿部解曰弗橋也從丿從韋省元謂弗字明是從弓之字若從韋則不知所省無以下筆必有後人刪改之譌弗字明是兩弓相背左右手相戾之義此會意之惜也凡鐘鼎文作亞者乃以輔戾二弓之象正是古彌字亦卽是弗字黻字作器遺子孫當銘

之以武作二弓在輔形者與執弓執戈矛族上立矢皆同一義若黻字乃繡亞于裳故從帶義又屬後起錢氏云黻冕相繼尙非初義也又古器每作虎形取服猛之義猶周官六彝之有虎彝也

成父癸鼎



吳侃叔云懋古文成字扶準之象也平也一繩之象也直也○所以權之也權之而得其直卽得其平也考工記所謂可水可縣之象也凡物平則成故左文十八年傳引書地平天成注云成亦平也是也懋後省爲成爲成爲成詩毛傳成平也凡二見鄭注周禮成平也凡六見爾雅釋詁平成也穀梁傳平者成也凡三見不觀此文莫窺其象而漢儒平成轉注有此詁訓可知經師相傳之義所由來者遠矣

穆父丁鼎

吳侃叔云穆非人名禮祭義君牽牲穆答君注穆子姓也公羊傳注子曰穆穆取其北面尙敬也

亞室父癸鼎

室廟室也一乃桓形周禮大宗伯公執桓圭注云雙植謂之桓桓宮室之象所以安其上也桓圭蓋亦以桓爲瑑飾此正作雙植是桓楹之象刊有剗治之訓見儀禮士喪禮注穀梁莊二十四年傳云天子之楠斲之斲之加密石焉諸侯斲之斲之大夫斲之此云刊桓是楹亦當斲治也召夫爲父癸廟室刊桓因作彝器卿大夫稱家其大夫之器與

戊寅父丁鼎

酌說文云三重醇酒也从酉从時省明堂月令孟秋天子飲酌  
漢書景帝紀高廟酌注云酌三重釀醇酒也張晏云正月旦作  
酒八月成名曰酌此酌字从酉从彡彡者三也古三字有作彡  
者見撫古遺文取三重酒之義故从彡後世从彡之字或从寸  
如說文形字或作耐是其證許氏耐字下解云諸法度字从寸  
是古文取三重酒之義故从彡後世以酌爲法酒故从寸也時  
當飲酌進見于王故曰見酌古飲酌之禮天子與羣臣以禮樂  
飲之於朝左傳所謂見于嘗酌卽此禮嘗酌在淩梁之明年正  
晉平公闕喪時也架構形者取世守堂構之義

庚午父乙鼎

四品者田狩獲禽之數也易巽六四田獲三品虞翻注謂艮爲  
狼坎爲豕艮二之初離爲雉故獲三品矣翟元注田獲三品下  
三爻也謂初巽爲雞二兌爲羊三離雉也是三品卽三禽也此  
云四品義同作册友史作册內史也書酒誥曰內史友周官內  
史掌王八枋之法七曰予凡命諸侯及孤卿大夫則策命之錫  
貝所以馭其幸也爲玉作策命故曰作册友史

宥父辛鼎

案宥非人名古文宥作侑見儀禮注詩楚茨云以侑儀禮  
特牲饋食禮云尸三飯告飽祝侑鄭注侑勸也此廟中侑食之  
器

旂鼎

禮天子於有功諸侯賜以僕正虎賁僕習騎射者左傳所謂紀綱之僕漢律所謂疇官此云公錫旂僕乃諸侯所以錫大夫也薛書高克尊銘曰錫伯克僕山夫山讀爲卅三十夫也文父尊稱非諡詩江漢告于文人傳云文人文德之人也左哀二年傳衛大子禱曰文祖襄公是文祖文父亦猶皇祖烈考古諸侯大夫皆得以稱其先人

### 馭鼎蓋

馭說文以爲古賢字此銘堇山馭祝必神巫也書君奭云在祖乙時則有若巫賢孔傳云賢咸子巫氏說文云巫咸初作巫君奭巫咸又王家馬注云殷巫巫賢蓋嗣職爲巫孔傳訓巫爲氏者古官有世功則有官族如晉中行氏之類亦通路云馭祝或卽巫賢所作器以祀其父者與

### 象形父丁尊

著尊周禮司尊彝朝獻所用司農以爲著略尊禮明堂位云著尊也注云著地無足此尊底無足是著尊也

### 持勺父癸尊

禮明堂位灌尊有勺夏后氏以龍勺殷以疏勺周以蒲勺考工記梓人云勺一升儀禮士冠禮注云勺尊升所以酌酒也此勺形有頭有口曲中而柄長合乎禮圖勺以注酒于尊又挹取之以實爵角祭禮重灌故作手持勺酌酒形示敬也

### 立鉞尊

撫古遺文古文戊作與此正同戊字从戈其柯長與戈秘相

等書牧誓曰王左杖黃鉞正義引六韜云大柯斧重八斤一名天鉞此鉞形柯秘甚大足徵古制矣

### 山形父王尊

禮明堂位山罍夏尊周禮司尊彝追享朝享再獻用兩山尊注云山罍刻而畫之爲山雲之形尊銘作山形其山罍之遺制與立戈父辛尊  
弓中作○象附之形禮曲禮左手承附注云附把中也釋名云弓中央曰附附撫也人所撫持也

### 亞形父丁尊

尊彝爲祭器之總名鼎曰尊鼎敦曰尊敦並取此義矛形下作□者象鉞之形禮曲禮進戈者前其鑕進矛戟者前其鉞注云銳底曰鑕平底曰鉞廣川書跋引字林云鉞平底也觀此矛鉞形爲歧足可平植于地足證平底之制矣

### 册父乙尊


案戈在櫝卽禮少儀所謂戈有刃者櫝也著之彝器所以謹世守且示偃武弗用之義班从珽說文以爲分瑞玉也此从竝者班古文作辨儀禮士虞禮云明日以其班附注云古文班或爲辨辨氏姓或然今文爲辨漢書王莽傳集注引孟康云辨或作班布也班字亦作辨見文選西京賦證以此銘知辨爲古班字繁文而从珽之字又其後起經史班辨同字益昭然矣

### 王圭父丁尊

虢說文云虎怒也詩常武云進厥虎臣闕如虢虎傳云虎之自

怒虓然則虓虎猶虓虎也王主於田獵之所讐服二虓虎神武  
不昭用作彝器崇孝享焉盼即班字禮王制名山大澤不以盼  
古从舟之字隸每省从月盼字當即般之異文分也禮王子弟  
出封得立其祖王之廟逸書分器序云武王既勝般邦諸侯班  
宗彝此銘曰盼謂般之同姓諸侯俾作重器以鎮撫其社稷禮  
之經也

刊宮尊



一

秉論語馬注云十六斛儀禮聘禮記云十六斗曰斂十斂曰秉  
飀說文云種也从壘夙持而種之詩曰我飀黍稷是飀當釋為  
先種早種之種此云錫二秉二飀案其文義當是粟米二種此  
飀字應釋為春獻種之種矣種有二義豈古飀字亦兼二義與  
君有錫予而作器紀寵命也

束彝

束練之省禮曾子問云主人練祭而不旅此曰束彝是練祭之  
器彝象形之字也

雙爵母戊彝

作二爵形者儀禮特牲饋食禮云主人更爵酌醋禮祭統云酢  
必易爵明夫婦之別也此祭器取夫婦相酢之禮故作二爵形  
也

好父辛彝



單字作丫象三辰之形左桓二年傳三辰旂旗昭其明也三辰  
日月星說文示字三垂取象日月星祈字从之古文祈从从从

單通旂是單卽旂上三辰形也義亦同示說文云觀乎天文以  
察時變示神事也祭所以事神神示所在子夾侍之敬之至也  
詩其軍三單單或旂旂之義乎

舉已卣二器

古器銘卣字舊釋爲舉錢獻之以爲卣字按舉飲器也訓見儀  
禮特牲饋食禮注故古人爵觶卣等器每以舉字銘之古文舉  
形象卣薛氏欵識父已舉釋云按集韻卣音舉支卣也林乃舉  
省耳按說文卣所以枝卣者從舉省卣省徐音渠容切六書故  
引說文作支卣支訓爲持義與舉同卣舉二字形亦相近考齊  
侯罇鐘銘格字正似卣字爾雅釋訓格格舉也知丁度此音必  
有師說古舉字正從豐但形有繁省耳

父丁卣

案孫足跡者繩武也詩下武云繩其祖武傳云繩戒武迹箋云  
戒慎其祖考所履踐之迹此銘孫在子下係以足武故王氏釋  
爲孫承子足跡錢獻之云古器有作足跡形者說文云止下基  
也象草木出有址故以止爲足取子孫基址相承之義也

亞舟爵

黃小松易云得於濟寧據榻本摹入爵字下體作一尾二足象  
雀之形上作犧首兩角兩目初不可解及得周兕觥蓋正作犧  
首形兩角觥然兕觥亦爵類左傳謂之兕爵知兕觥以蓋得名  
此正象兕觥之形舟字泐其半鄭司農周禮注云舟尊下臺也  
若今之承槃

犧爵

案犧陳棋俎饋奠之義禮明堂位俎殷以棋鄭注棋之言枳棋也謂曲撓之也此俎前一跗正橫曲如枳句是棋俎形也

糸爵

說文糸細絲也象束絲之形讀若覘徐音莫狄切周禮天官屨人赤纒黃纒鄭司農注以赤黃之絲為下緣廣韻纒於力切釋文同纒與糸音相近此糸爵即儀禮士虞禮所謂纒爵也口足之間有篆文彌飾謂之纒爵見鄭注

唐子爵

唐國名左昭元年傳云遷實沈于大夏主參唐人是因以服事夏商杜注云唐人若劉累之等累遷魯縣此在大夏是銘曰唐是商世唐君之器也

亞敦

案禮禮器諸侯以龜為寶鄭注云古者貨貝寶龜大夫以下有貨耳易曰十朋之龜是寶龜惟天子諸侯有之白虎通云天子之龜尺二寸諸侯一尺大夫八寸是卜龜也故臧氏守龜有僂句作器刻龜形重世守也或曰此與持貝同意然龜主守貝主用又微有別也

子商甌

案子商之姓也商之孫子所作以祀先人故曰子商左哀九年傳史龜曰是謂沈陽可以興兵利以伐姜不利子商此古繇辭也子商謂殷商在春秋時則謂宋耳

琯戈

閏卽隧也考工記鳧氏為鐘于上之攢謂之隧注隧在鼓中窰而生光有似夫隧是器上窰攢處皆可謂之隧此閏字亦謂戈上窰處也別寶飾以平漫戈上之隧所以暢琯字之說於義差近

宋平公鐘

宋公戊舊釋為宋公成吳侃叔云左昭十年傳宋公成公羊作戊史記亦作成今觀是銘當以公羊為正是平公器也頌壺銘甲戌豐姑敦丙戌文皆作戊與此同又按左昭二十年傳公子城杜注平公子成與城同若平公名成其子不得名城也

紀侯鐘

已紀古通用鐘字作反文此鐘壽光縣人得之於紀侯臺下左隱元年傳紀人伐夷杜注紀國在東莞劇縣齊乘云壽光南三十里春秋之紀國卽劇城也通志云紀本在頓榆縣後遷劇亦稱紀城攷漢恩澤侯表陳倉亦封紀侯此銘係古文非漢物也

鄭邴叔綏賓鐘

安賓卽蕤賓鐘所應之律儀禮士相見禮安而後傳言鄭注古文安為綏周禮夏采鄭注士冠禮及玉藻冠綏之字故書亦多作綏者今禮家定作蕤知安字古通綏綏又同蕤也程易疇云蕤賓律管長六寸八十一分寸之二十六是鐘度以今裁尺得四寸二分以周尺通之為六寸三分弱適符蕤賓律度也

宗周鐘

皇清經解 卷三十一 阮宮保鐘鼎彝器款識 二 庚申補刊

宗周鎬京也見書畢命孔傳豐亦稱宗周見書周官傳孔疏云  
豐鎬與洛邑皆名宗周此宗周未詳何地以相文武之文揣之  
此鐘或成王所作宗周乃鎬京也自說文云小阱也久人在曰  
上天井碑云堅無百瀆隸續說自即陷字周禮雍氏注穿地爲  
塹所以禦禽獸謂之陷阱此从臼从人持弓爲掩禽獸伏機之  
象形義更備其爲陷字無疑虐字見薛氏欵識牧敦召虐我土  
者謂攻陷其城池虐害其人民也割字與蓋通禮緇衣引書君  
奭割申勸寧王之德爲周田觀文王之德鄭注云割之言蓋也  
此割字正似周義通蓋又可借作祈句之句焦山周無專鼎用  
割眉壽割字正如此舊釋作周旁匕形非也

虢叔大林鐘

左僖五年傳云虢仲虢叔王季之穆也正義引賈逵注云虢仲  
封東虢制是也虢叔封西虢虢公是也是鄭所滅者虢仲之後  
晉所滅者虢叔之後國語韋昭注與賈逵同虢仲後有虢叔左  
隱元年傳虢叔死焉鄭語所謂虢叔恃勢是虢仲之後字曰叔  
也虢叔後有虢仲又有虢叔桓八年傳王命虢仲立晉哀侯之  
弟緡于晉是虢仲虢公林父也莊二十年傳鄭伯聞之見虢叔  
二十一年傳虢叔自北門入是虢叔之後字亦稱叔也此虢叔  
名旅史傳無徵未詳何國偃師武虛谷進士億云周景王作大  
林鐘是時虢亡已久不宜復有虢叔爲之效尤蓋其後續封也

唐書宰相世系表西虢地在虞鄭之間平王東遷奪虢叔之地  
與鄭武公楚莊王起陸渾之師責王滅虢於是王求虢叔裔孫

序封于陽曲表文多舛當亦有所據元案鄭所滅者乃東虢表  
云西虢誠有舛譌然謂復封陽曲必有確據如楚簡王十四年  
越既滅郟及頃襄王十八年復有鄒費邾邳春秋時小國之絕  
而復封者難更僕數矣銘所云威義卽威儀由卽說文由字解  
云艸木實垂由由然讀若調與字从之攷岐陽石鼓文與字从  
三由又君子追樂舊釋道爲迺非是當釋爲道古同攸迺字从  
西此从由字體迺別說文云由木生條也說文無由字竊謂由  
卽其字蓋調由一聲之轉古音相通故調飢之調讀如周條革  
之條古作攸由字以木生條爲訓由亦艸木垂實之貌是由爲  
由之古文無疑銘言爲御事于天子之由天子於是錫旅休也  
嚴在上翼在下卽詩六月所謂有嚴有翼也

### 楚公鐘

此鐘名雨雷者蓋應仲春夾鐘之律史記律書云二月也律中  
夾鐘正義引白虎通云夾字甲也言萬物字甲種類分也故銘  
云木甲木中中舊無釋十古甲字舊釋爲十非是易解彖傳云  
天地解而雷雨作雷雨作而百果草木皆甲坼荀爽曰解者震  
世也仲春之月草木萌動雨以潤之雷以動之故甲坼也說文  
解甲字云从木戴字甲之象解中字云艸木初生也象一出形  
有枝莖也讀若徹是甲中卽甲坼也據此知鐘名雨雷者所以  
著夾鐘之律銘云木甲木中者所以申兩雷之義蓋夾鐘應律  
正始雨水雷發聲時也而作樂崇德於雷雨亦有取焉楚公  
名舊無釋今案上體作呈下體作彡是廷字也說文云廷往也

春秋左氏傳往勞之往皆作廷字亦作逞漢書楊雄傳注逞古往字往與狂通書微子我其發出狂史記作發出往是也

楚曾侯鐘

此鐘薛氏以為楚惠王器按其紀年確然無疑惠王名章左傳及史記竝同章上一字錢獻之以為古能字之省變通熊楚君之名每冠以熊字是也考左傳楚昭王於魯定公六年遷都漢志若屬南郡注云楚昭王畏吳自郢徙此後復還郢師古曰春秋傳作都其音同此云徙自西陽者當即自都還郢之時是時越已滅吳楚東侵廣地至泗上無所畏懼故還舊都西陽漢志屬江夏郡去都甚近其不曰徙自都而曰徙自西陽者西陽有先君廟觀下文作曾侯宗彝寘于西陽其義可見徙都大事告

于祖廟而後行禮也楚之僭號久矣此曾侯其遠祖曾義為重亦為高凡先祖皆可稱曾祖曾侯猶先公也穆者廟之序商者鐘之音也吳侃叔云周官大司樂注云祭尚柔商堅剛也故樂無商惠氏禮說曰三大祭之樂古旋宮法也非無商商不為均也此銘曰宗彝又曰永時用享是宗廟所奏而有二商字可證商不為均非無商之說元案此鐘篆文工整結體又長近於小篆與元所藏王子申盞盞銘畧同始一時之器無復有開國時雄奇氣象矣

周公季鐘

案左氏傳有周公黑肩周公忌父宰周公孔周公閱周公楚為王卿士杜氏注周采地扶風雍縣有周城史記魯世家索隱曰

周公次子雷相王室世爲周公又路史云平王子秀封在汝川者爲周此周公絜不見史傳要亦王畿內食采爲卿士者此周字程易疇所定爲古篆文莊進士述祖釋爲邾公五等之爵于其國皆稱公似也然按其字形不如釋周字爲長古銘以多作台者二字義通爾雅釋詁訓台爲我又訓爲予廣雅釋詁云以予也畏龔猶寅恭威忌猶敬忌盟祀者周官司盟北面詔明神既盟則爲司盟共祈酒脯鄭氏謂王之盟主曰諸侯主山川王官之伯主月是盟有祀也據此知盟祀亦用樂也燕禮有獻卿獻大夫獻士庶子周公爲王官伯不得有卿故但言樂大夫安士庶子而已

### 腹鼎

案腹者厚也複也卽陪鼎也陪義爲重亦爲加左昭五年傳殯有陪鼎杜注陪加也加鼎所以厚殷勤儀禮聘禮羞鼎三鄭注羞鼎則陪鼎也以其實言之則曰羞以其陳言之則曰陪是陪鼎所以實腳臚臚重複設之所以加厚腹字兼此二義此鼎小而淺異於他鼎是陪鼎也

### 太祝鼎

考周禮屬禽饁獸舍奠祖禩乃甸祝之職而祝號之事太祝領之故曰太祝禽鼎此薦禽獸之鼎也而曰禽鼎者周禮庖人注云凡鳥獸未孕曰禽白虎通曰禽者何鳥獸之總名是散文相通也鳥獸之肉人之腊人則爲乾豆此以新殺者薦之宗廟故實之鼎也

魯公鼎

案鹵古文魯東方濱海地多廣鹵故以為名字與魯通路史國名紀魯鹵也曲阜少昊之虛此魯公伯禽之器薛氏欵識亦有此銘釋魯公為周公非是周公不之魯不得稱魯公或疑魯公不當祭文王考魯有文王廟見左襄十二年傳周禮春官都宗人注王子弟則立其祖王之廟其祭祀王皆賜禽焉夏官祭僕凡祭祀王之所不與則賜之禽注王所不與同姓有先王之廟賈疏云魯衛之屬據此魯當立文王廟作祭器禮也

孟申鼎

案鬯舊釋作鼎錢獻之云當作鬯說文作鬯從鬯羊聲煮也玉篇有鬯字訓同亦作鬯同鬯詩可采蘋于以湘之韓詩作鬯史記封禪書云鑄九鼎皆嘗亨鬯據此知鼎以熟烹故曰鬯彝也

魚冶姪鼎

魚氏宋卿族魚石魚府見左傳司馬子魚之後桓族也冶姪任姓之女晉語云黃帝之子得姓者十四人為十二姓任其一也其後為薛國任字亦作姪詩大明大任潛夫論五德志作大姪是任字古从女與姬字同此从女从壬是也後世借為懷姪之姪故以任字別之

叔夜鼎

饜舊釋作餽錢獻之云說文饜字一作饜一作餽博古圖凡饜字皆釋作餽者非爾雅饜饜也孫炎注蒸之曰饜均之曰饜是饜為炊蒸之義案錢說良是以此銘證之更確蓋餽有二義

一為菜菔之餼詩所謂維筍及蒲是也一為健鬻之餼易所謂覆公餼說文所謂陳雷謂健為鬻是也此饜字若釋為菜菔之餼則下不當云用鬻鬻鬻也若釋為健鬻之餼則下不當云用鬻鬻五味盃羹也爾雅肉謂之羹况明係从奉之字非从束也鬻字从侃此鬻字中作鬻即古文侃之省字或作飢通饜左傳正考父鼎銘云饜于是鬻于是此取義正同

叔單鼎

案楚滅黃見左僖十二年傳路史云黃子爵嬴姓少昊後此云黃孫子系君者蓋黃滅後子孫又續封故稱黃孫子也系說文云繫也籀文从爪絲此从爪从系从巾巾系之下體也省幺系者繼也續也叔單為始續封之君故曰系君可證春秋時小國絕而復續者多矣

邾季鼎

案邾魯所取見左傳襄十三年杜預云亢父有邾亭說文云邾附庸國漢志詩亭詩國水經云春秋詩國也在任城界

冷父鼎二器

吳侃叔云左隱元年傳費伯帥師城郎一年司空無駭入極費冷父勝之此冷字舊無釋蓋冷字也冷父疑即冷父元謂金今二字古多通作下一字舊亦無釋按其文从車从忝乃連字也胡連之連亦作輦輦輦也鼎作甗形為甗寶鼎猶之鬲鼎孟鼎也戰功曰多兄古况字通况母作母者古通用友謂臣僚也詩既醉鄭箋朋友謂羣臣同志好者也書酒誥云太史友內史友

是臣僚得稱友也

師餘鼎

錢獻之吳侃叔竝云夜通射左文六年傳狐射姑穀梁作夜姑  
珠當釋作琯矢二字古器兩字合文如庚午西夏之類甚多大  
夫始鼎銘云王在和宮大夫始錫友厥亦琯矢二字考工記玉  
柳雕矢磬注故舊雕或為舟舟周古通始鼎銘作周諧聲也爾  
雅玉謂之雕此作王指事也

正考父鼎

錢獻之吳侃叔竝云春秋傳蔡宣公名考父正長也周禮太宰  
建其正注正冢宰司徒宗伯司馬司寇司空也蔡文之昭也時  
或為王卿士故稱官曰正案竹書紀年商武乙子曰文丁史記

作太丁湯之太子曰太丁此當以文丁為是武湯詩稱武王文  
丁稱文王宜也正考父弗甫何之孫孔子之七世祖求商頌十  
二篇於周太師歸以祀其先王祭器之作當在此時饁鬻之銘  
不可見得見此銘幸矣

仲偃父鼎

吳侃叔云臯當為邊元謂銘文不類臯字吳說是也左莊十九年  
傳周大夫有邊伯殆其後與

寔鼎

獻之云載國名春秋公羊傳作載左傳作戴說文解字作載此  
用解字之體而上略異載今衛輝府考城縣是也

史伯碩父鼎

乳字象形吳侃叔曰王母謂適母乳母謂生母其說甚確內則所謂食母喪服所謂乳母是選於傅御之中者不得與皇考王母並著尊彝其為生母無疑矣說文云生子曰乳廣雅云乳生也是乳義為生也

無專鼎

翁學士方綱云南仲有二詩出車篇之南仲毛傳以為文王之屬常武篇之南仲毛傳以為王命南仲于太祖是宣王之臣也此銘不類商器當是宣王時臣無專無字當讀為無古無字每省邑王命無專於祖廟而南仲為相禮八門立中廷呼史册命云云可補禮文之不足友史臣名燔于圖室之燔舊釋作烝今從吳侃叔釋作燔周九月夏七月非烝祭之時字形亦不類古

文番作𠄎此字从火从𠄎特點畫有關泐耳左僖二十四年傳云天子有事燔焉是執燔以祭謂之燔也圖室二字無可考竊謂即明堂太廟也周禮春官天府掌祖廟之守藏凡國之玉鎮大寶器藏焉鄭注祖廟始祖后稷之廟寶器之說鄭引書顧命球圖之屬以當之其注書云河圖圖出於河水帝王聖者所受知周之河圖藏于祖廟必有其室矣史記五帝本紀文祖者堯太祖也集解引鄭氏說文祖者五府之大名猶周之明堂正義引尚書帝命驗云五府者唐虞謂之天府夏謂之正室殷謂之重室周謂之明堂皆祀五帝之所也知圖室又為周明堂之異名矣其曰天府者仍唐虞之名也天府以藏球圖故又曰圖室也燔于圖室即宗祀文王以配上帝也錢竹汀官詹大昕云古

器銘多用鑿勒字惟石鼓及寅簋文正作鑿勒伯姬鼎則作攸勒宰辟父散又作攸革薛尚功王侏諸家竝釋攸爲鑿此文亦但作攸蓋古文之鑿勒卽詩所云儻革也詩儻革凡四見鄭氏箋或云轡或云轡首或云轡首垂毛公則訓儻爲轡革爲轡首說文無儻字而有鑿字訓轡首銅明乎鑿卽儻也爾雅釋器轡首謂之革郭景純曰轡靶勒也明乎勒卽革也詩儻革有鶻鄭以鶻爲金飾古文儻从金與許叔重訓轡首銅合孔氏疏謂以儻皮爲轡首之革似未達古制矣伯姬鼎師設散竝有縞必字薛氏釋必爲縹按考工記天子圭中必鄭讀如鹿車縹之縹是必縹古文相通此銘亦作必與康成注合按攸革縞縹官詹之說精矣


頌鼎

反入覲寵者言受册以出而反入覲龍光也覲此銘知左僖二十八年傳晉重耳受策以出出入三覲杜注以爲從來至去凡三見王誤也享醴一覲受册命一覲受册以出反入覲寵爲一覲是一日而三覲易所謂錫馬蕃庶晝日三接也此古禮之僅存者

召鼎


吳侃叔云券也釋名券綖也相約束纏綖爲限周禮謂之判別賣買也周官司市賈師竝以賣爲買以債爲鬻質作所古省文下有作受及詒皆其異文一取交質之義一取質對之義也卑古通俾參門當讀參問禮所謂參聽也羊詳之省返古文及龍

皇清經解 卷一百一十五  
字乃讐之省古讐字獻之又云論語有仲忽漢書古今人表作仲召說文無召字有囙字召應亦囙字古文鐘鼎家皆以井爲邢案周公子所封邢侯字從井從井者爲鄭地邢亭二字不同考穆天子傳有井利秦有井伯是古有井氏應讀本字百爰之爰卽緩字緩者銜也古者以二十兩爲三銜故考工記戈重三銜鄭注引說文解字云銜銜也今東萊或以太半兩爲鈞十鈞爲緩緩重六兩太半兩案書呂刑其罰百緩僞孔傳云六兩曰緩陸氏釋文馬融云賈逵說俗儒以銜重六兩周官劍重九銜俗儒良是鄭不用六兩之義故以許書及東萊云云爲證許氏之學出于逵故不取俗說馬融則直用之矣小爾雅曰二十四銖曰兩兩有半曰捷倍捷曰舉倍舉曰銜銜謂之緩亦承俗說之誤史記周本紀銜作率是借字又平準書有白選漢書蕭望之傳有金選亦卽銜字尙書大傳云死罪罰二千饌亦與選字同益饌選率卽銜而銜與緩同義也乃弗退退字同敗書微子我興受其敗說文引作退可證矣



皇清經解卷一千五十七終

嘉應生員張嘉洪校



皇清經解卷一千五百十八

學海堂

積古齋鐘鼎彝器款識

儀徵阮宮保元著

亞尊

右亞尊銘二字

欽頒曲阜

孔廟之器

臣元

據揚本恭摹入錄敬錄

御製考釋右高一尺二寸深七寸四分口徑六寸四分腹圍九寸二分重六十五兩按周禮司尊彝掌六尊而壺尊為壺山尊為壘是形製迥不一矣茲器狀如觚博古圖所載多類此者銘作亞形又為弓古者射必有飲而亞則有廟室之義意此為射宮飲器與

號叔尊

號叔作此尊以賸送叔殷故曰朕穀尊名說文解穀字云乳也  
在宣四年傳楚人謂乳穀穀當為穀彝器凡作乳形者義取養  
人此尊以穀為名當必作乳形也

邑尊

說文姑黃帝之後百鰲姓后稷妃家也左宣三年傳注姑南燕  
姓又路史引陳畱風俗傳云敦氏媾姓後引姓纂云宋之雒氏  
本姑姓此公姑未詳何國公姑者公之妃也邑作器者名古邑  
字作見汗簡裘字象毛在衣外之形

叔尊

器為元所藏案十三月者董道所謂自王即位通數其月蓋時  
君未改年也吳侃叔以為師滑父屯戍在外未聞王朝頒朔故  
以今歲之月係於去年之下亦通薛書有師淮父貞銘云穆從  
師淮父戍于古阜蔑歷與此詞意正同此師下一字从沓从骨  
侃叔釋作滑字是也古器銘每言蔑歷按其文皆勉力之義是  
蔑歷即爾雅所謂驅沒後轉為密勿又轉為黽勉小雅十月之  
交云黽勉從事漢書劉向傳作密勿從事是也此器與椒貞當  
係一時所作彼銘師淮父淮字佳旁亦似从骨即此銘師滑父  
也公阜見晏子春秋蓋齊地名

册貞

右册貞銘三字

欽頌曲阜

是書經

卷之五十八


阮宮保鐘鼎彝器款識

庚申補刊

孔廟之器臣元據揚本恭摹入錄敬錄

御製考釋右通蓋高九寸一分深五寸九分口縱三寸五分橫四寸五分腹圍一尺九寸八分重一百四十四兩兩耳有提梁按爾雅疏卣中尊也在尊壘之間以實鬱鬯詩書紀周代錫功皆言秬鬯一卣則知卣所以承君之錫故銘册以紀君命父乙蓋廟器次序

番卣



古文番作見說文此點畫同而少變詩小雅采芣平平左右左襄十一年傳引作便蕃左右蓋采芣與平字形俱相近也或釋作采非是此作器者名詩十月之交番維司徒豈卽是人與

椒卣

元謂經傳人名無此椒字文選宋玉風賦枳句來巢枳句曲木當是積椒二字省文知經傳椒字皆省作句矣永寶之寶作卣與寶尊彝之寶迥別他器亦罕見此體蓋異文也吳侃叔云酏卽福字古文福亦作富祭統云賢者之祭也必受其福非世所謂福也福者備也百順之名也故作祭器特以示子孫焉

媪妊壺

吳侃叔曰案說文疊字从晶从宜亡新改三日為三田此銘从晶古从晶之字或从疊是也宜與且古亦通用詩假樂且君且王釋文且本作宜此古文媪字也案集韻媪同姪吳說良是考公羊傳何休注諸侯一娶九女夫人與左右媵各有姪娣此姪所作之器妊卽姪之省姪之姓也器銘妊字甚明蓋銘似

如字如集韻同媯無所取義安字通盥

家德氏壺

家者卿大夫也古卿大夫稱家德氏作器者氏與名或曰家其氏也春秋凡名歸生歸父者字皆曰子家孫以王父字為氏德氏其名也

父舟斝三器

獸字見汗簡禮曾子問曰祭殤必厭此父祭殤子之器也

象觶

器為元所藏案禮器云尊者舉觶卑者舉角鄭注觶三升角四升此觶而銘曰角者說文解觶字云鄉飲酒角也觶角同類散文可通聖人制器尚象易鼎虞注云六十四卦皆觀繫辭獨於

鼎言象象事知器也觶取象獸角此觶腹上又有犧首故曰象也

遽仲觶

器為元所藏案遽古通遽爾雅釋草大菊遽麥釋文遽本作遽遽伯玉之遽淮南秦族作璩後世有遽氏又有璩氏皆遽之異文八別也

招觚

案薛氏欵識已酉戌命彝招父丁爵招字竝與此同古器銘或言文父某或言文考某未有考父竝稱者古人有以考父為名字如蔡侯考父宋正考父皆是此云文考父戊又非其例禮記以父考為存歿異稱郭注爾雅引尚書公羊傳蒼頡篇以辨其

非存歿之異稱然據此銘則文考歿後之尊稱父戊生前之字號也

手執中觚

元所藏器案中射禮所用以實算者儀禮大射儀賓之弓矢與中籌豐鄭注中闡中算器也鄉射禮君國中射則皮樹中於郊則闡中於竟則虎中夫夫兕中士鹿中禮投壺司射奉中疏云中之形刻木爲之狀如兕鹿而伏背上立圓圈以盛算此銘中字旁有旌旂當是兕鹿背上所立之圓圈形凹其上以受算以手執之奉中之義此觚其射禮所用者與

子燮兕觥

蓋器各九字元所藏器器制如爵而高大蓋作犧首形有兩角首以下作蟠夔雷回紋滿身作獸面蟠夔雷回紋此器舊名爲犧首爵元得之考定爲兕觥案說文燮从又持炎辛此从二炎从支省辛支亦从又之字又手也故作手形以手持二炎合乎許氏大熟之訓可定爲燮字子燮見左文五年傳楚臣此子燮或卽其人與邦說文古文作此字下體田字作象城郭之形是古文也毛詩卷耳我姑酌彼兕觥傳云角爵也案毛說蓋以兕觥爲似角之爵其制無雙柱無流同于角有三足同于爵詁訓甚明非謂以兕角爲之也周禮閭胥鄭注觥用酒其爵以兕角爲之說文云觥兕牛角可以飲者也詩疏引禮圖云觥大七升以兕角爲之先師說云刻木爲之形似兕角案左隱五年傳皮革齒牙骨角毛羽不登於器杜注謂不以飾法度之器

觥爲禮器安得以兕角爲之如今之犀角盃乎古器多用銅或飾以玉至刻木爲之其說近是古銅器如鬯榼之屬皆銅木互用也禮器凡言爵者皆三足散角觥皆稱爵皆有三角此器身形爲角爵蓋作牛首爾雅云兕似牛郭璞云兕一角此實二角而名兕觥者牛形似兕取其形似爲名也案許氏異義云今韓詩說一升曰爵爵盡也足也工升曰觚觚寡也飲當寡少三升曰觶觶適也飲當自適也四升曰角角觸也飲不能自適觸罪過也五升曰散散訕也飲不能自節爲人所謗訕也總名曰爵其實曰觴觴者餉也觥亦五升所以罰不敬觥廓也所以著明之貌君子有過廓然明著非所以餉不得名觴觥罰不過一飲而七升爲過多當謂五升元謂毛詩說觥大七升固爲過大

韓詩說觥五升亦未可爲定論蓋自暴秦銷金商周古器盡毀其淪沒于土者未盡出于世故許鄭大儒生當漢世未能目驗之凡論彝器每沿舊說頗多牴牾考商爵大于周容一升有半今以商爵校此觥觥容二爵大半爵則觥同角實四升也或曰兕觥爲罰爵何以爲孝享之器攷陳氏禮書云兕觥之用饗燕鄉飲賓尸皆有之七月言朋酒斯饗稱彼兕觥春秋之時衛侯饗苦成叔而甯惠子歌兕觥其觥則饗有觥也鄭人燕趙孟穆叔子皮而舉兕爵是燕有觥也閭胥掌比觥是鄉飲有觥也絲衣言兕觥是賓尸有觥也蓋燕禮鄉飲酒大夫之饗皆有旅酬無算爵於是時也用觥然則兕觥固祀器也不得以儀禮少牢特牲大夫士之祭無兕觥遂謂觥祇以罰不敬也觥亦爵故左

傳謂之兕爵毛傳謂之角爵黃小松所藏古爵有作兕觥形者然博古考古二圖所載爵皆無蓋且無如此器之大者則兕觥與爵固有別矣

伯彝

右伯彝銘六字

欽頌曲阜

孔廟之器

臣元

據揚本恭摹入錄敬錄

御製考釋右高五寸深四寸口徑七寸二分腹圍一尺九寸重五十六兩兩耳有珥按周禮六彝注彝亦尊也以其同是酒器但盛鬱鬯與酒不同故異其名茲其銘曰伯作者博古圖有周伯英彝叔彝皆以為名字茲器亦其類顧周制伯為五等之爵又為伯仲之次則亦未可概定為名也

伯爵彝

臨朐柳山寨有古城基即春秋之駢邑論語云奪伯氏駢邑三百此器出當其地氏亦為伯或即伯氏之器與

禽彝

視从示从兒錢獻之釋作祝吳作搗按之字形殊未的而視字又字書所無今據前後文義考之當即宜社之宜禮王制天子將出征宜乎社宜鄭注以為祭名說文祭名凡禴禘禡等字皆从示古宜字亦當从示宜字古通儀詩角已如食宜餽釋文引韓詩作儀國語楚語采服之宜周禮春官序官司農注作采服之儀儀又通倪隸釋費鳳別碑黎儀瘁傷斤彰長田君碑安惠

黎儀倪竝作儀說文輓字或作輓知二字古通周公謀禽視者  
春官太祝大師宜于社禽或居其職故周公謀使蒞其事禽右  
啟視者古右字作𠄎義同佑啟玉篇訓為擊此當讀為脹左成  
十三年傳成子受脹于社杜注脹宜社之肉也

吳禾彛

說文云吳姓也亦郡也一曰吳夫言也从矢口詩絲衣不吳不  
敖釋文引何承天云吳字誤當為吳從口下大此人姓而作吳  
則吳乃吳之古文也

小臣繼籛

案旁舟猶言邦京也舟古通周考工記作舟以行水注云故書  
舟作周詩大東舟人之子箋云舟當作周左傳申舟呂覽作申

周華周說苑作華舟二字古通用也

吳彝

案旃蓋古旃字通帛為旃故从於从帛省也叔通淑命司旃兼  
職邦國所貢之善金左僖二十八年傳城濮之戰亡大旃之左  
旃祁瞞奸命知司旃之職重矣朱號即朱鄴號郭二字古通用  
詩載驅毛傳諸侯之路車有朱革之質而羽飾罔說文以為飯  
剛柔不調相箸讀若適此从口从皂當以皂得聲讀為虎鞞之  
鞞通鬯鞞亦作鬯見詩闕宮傳

兮仲敦

案兮語詞也古無以為氏者字通猗古文尙書兮為猗見禮大  
學疏又通侯高祖過沛詩三兮之章史記樂書作三侯之章路

史云河東猗氏夏世侯伯國左傳鄭有侯羽此今仲未詳何出

豐今可敦

吳侃叔云豐今鄆侯也侯分聲相近鄆侯文王子漢書古今人表列于中上左僖二十四年傳云畢原鄆郇文之昭也柱注鄆國在始平鄆縣東下說文節字鄆侯名也

鄧公子敦

案登字从收籀文見說文薛氏欵識齊侯鐘齊侯罇鐘登字皆如此此登公子當是鄧國之公子鄧曼姓為楚所滅見左氏傳伯余公子名因薦新而作敦贈姑爾雅云父之姊妹為姑媵即威字古畏威通說文云威姑也漢律婦告威姑吳侃叔云此銘既曰姑復曰威是威即姑也許氏所訓確不可易矣

豐姑敦

窳疑即甯字許氏解云窳也从甞从卅窳山中甞猶齊也甞說文訓為到甞字从之易甞卦釋文云孟本甞作齊蓋取甞為齊到之義義與甞字同徐音甞為人質切字以此得聲是甞字也

追敦

案卹死事者卹戰陳死事者之後禮有春饗孤子之文左哀二十七年傳齊師將興陳成子屬孤子三日朝杜注屬會死事者之子使朝三日以禮之薛氏欵識齊侯罇鐘銘云虔卹故死事穆和三軍知古者卹死事之典重矣

卯敦

博古圖有龍尊穀乳也左傳楚人呼乳為穀穀本作穀博古圖

有乳鼎取養義宗彝虎雖也虎尊雖尊見周官注將奉也言爲奉祀之寶詩云湯孫之將

師酉敦二器

案古籍周王無適吳事此吳古虞字也詩周頌不吳不敖史記孝武紀引作不虞不驚左僖五年傳虞仲吳越春秋作吳仲漢書地理志云武王封周章弟中於河北是爲北吳後世謂之虞又史記吳世家每以中國之虞夷蠻之吳分別言之者亦以吳虞同字也蕭山王進士宗炎云左氏傳曰太伯虞仲太王之昭又曰宋祖帝乙鄭祖厲王謂諸侯始封得立出王廟然則虞太廟當是太王廟也古者天子適諸侯必舍其祖廟莊二十一年傳言王巡號守其時號云方爲王卿士也虞與號皆稱公疑虞

先君亦有爲王卿士者故王巡其守知是虞非吳者穆天子傳載天子南登于薄山寘輪之隘宿于虞當卽其事吳則無文以應之枌字从禾从片卽脉字廣雅柩棺也其當謂之脉字通和呂覽云見棺之前和和門爲史名猶鳩釐爲公族名古人少二名此二人皆二名也或曰他器右者與史皆舉其名此但舉其官言公族在廟祝鳩釐而入右王呼史於和門而册命酉和門軍門也見周禮大司馬注此器銘變例說可附存鬯卽鞞字春秋傳鞞鞞鞞皆所以馭馬說文鞞作鞞訓爲著掖鞞鞞字訓云轡鞞一曰龍頭繞者秦公孫鞞字當爲子鞞禮檀弓作子顯省文此作鬯又顯之省也王進士云宥字从宀从口从九口者國邑也九鬼古通用商時有鬼侯國侃叔云宥古宥字古宥軌

通从口者古文以口爲規故以爲聲義寃古亦作𡗗𡗗鼎云𡗗  
伯𡗗法也與此寃姬同義

寶簠

右寶簠銘十二字

欽頌曲阜

孔廟之器

臣元

據搨本恭摹入錄敬錄

御製考釋右高三寸深七寸一分口縱七寸橫八寸四分重八  
十五兩獸耳按周禮舍人共簠簋注方曰簠又公食大夫禮進  
稻梁者以簠禮家以簠爲刻木爲之外方而內圓而博古圖以  
爲出於冶鑄證以當時所見如周叔邦簠之類銘載粲然豈刻  
木者所能彷彿茲器形制正與周叔邦簠同足驗所言之不謬

雷君簠二器

器爲元所藏零落僅存其底案雷字說文作雷从𠄎𠄎古文西  
玉篇作留从卯此雷字从𠄎疑是卯古文薛氏欵識劉公簠劉  
字从𠄎與此正同叔敦雷旁亦从卯蓋卯有茂音雷字从之  
得聲古不从𠄎石鼓柳字从𠄎可證也公羊傳云古者鄭國處  
于雷周人有雷子嗟雷子國詳王風邱中有麻詩毛傳後爲劉  
康公劉文公食采此雷君是畿內諸侯招其名也簠字作匿从  
古从匚古聲通作胡左哀十一年傳胡簠之事則嘗學之胡簠  
卽簠簋也禮明堂位殷之六瑚與敦簠並列明爲盛黍稷之器  
瑚之爲簠異名無疑矣

穴簠

器爲元所藏案司土卽周官土均之職屬司徒司奠還散者奠定也還通寰寰古縣字穀梁隱元年傳寰內諸侯釋文寰音縣寰內圻內也散雜也命奠定縣內之雜政眾吳眾牧者眾及也吳古虞字土均掌地征地守與牧人虞人俱有聯事故曰及虞及牧也戎衣韋弁服緜和鑾也禮臣受君錫命必設奠于其廟時允從王在魯故作旅糞彝以告其先人也此圓器而定爲簠者說文云簠黍稷圓器也周禮舍人鄭注云方曰簠圓曰簠今日驗諸器知簠多方而有圓者簠多圓而有方者許鄭之說可並存也

張仲簠

鉅字劉原父釋作張銳黃釋作銳案銳同銳周書顧命一人冕

執銳說文引書銳作銳勳纁古通用見左傳哀十一年製之以元纁釋文吳侃叔云纁元黃卽考工記栗氏銷鍊金錫之狀朮舊釋諸非是禮內則桃諸梅諸王肅云諸菹也菹非簠實此字从屮从十屮象稷黏手形十其聲說文云秬稷之黏者从禾朮象形或省禾作朮此朮字古文也稷作旌節形者古稷字从節見金石韻府稷訓爲卽見詩楚茨鄭箋此爲稷古文無疑舊釋作受或作旋並非糲說文云早取穀也梁字从米从夨省夨舊釋作米亦非歆義爲饗周語王歆太牢左襄二十七年傳能歆神人不特作祭祀解矣周禮宰夫掌賓客膳獻飲食張仲殆居其職故詩六月云飲御諸友魚鼈膾鯉侯誰在矣張仲孝友此銘亦曰諸友與詩合謂諸大夫也

曾伯鬯簋

聖借爲聽二字古文同見汗簡書無逸此厥不聽漢石經作不聖段卽假之省周禮典瑞注晉侯使段嘉平戎于王釋文云段本作假樂借爲樂考工記鳧氏兩樂謂之銑注故書樂作樂假樂黃耆頌禱之辭此銘典雅可誦

陳逆簋

案陳逆見左哀十四年傳字子行陳氏宗也桓同桓書牧誓尙桓桓說文引作尙桓桓左莊二十二年傳及陳之初亾也陳桓子始大於齊杜注桓子敬仲五世孫陳無宇銘云陳桓子之裔孫著其始大之祖也奭古同罍說文解罍字云目圍也从目尸讀若書卷之卷古文以爲醜字解奭字云盛也从大从百百亦

聲此燕召公名讀若郝史篇名醜案史篇以召公名爲醜卽罍字也此作罍者罍之繁文通作奭吳侃叔曰秦盥和鐘銘虢事蠻夏奭事疑與虢事同義是也卹作血者省文歡卹宗家者厚施於宗族也左傳云陳氏方睦惟歡卹之故沔義同衍詩沔水云沔彼流水朝宗于海說文云衍水朝宗于海也衍壽卽延壽也羨爾雅訓爲長義同承說文引詩曰江之羨矣考左傳成子殺闞止執簡公逆實佐之路云奭事齊侯又云無作龙僞也此器作于魯哀公二十年杜氏長麻哀二十年正月丁亥朔銘云唯王正月初吉丁亥與杜氏合時齊侯爲平公驚距簡公之弒已五年矣史記田世家言田常相平公五年割齊自安平以東至琅邪自爲封邑封邑大於平公之所食時田常正割齊地故

皇清經解 卷三十五  
逆亦自正封邑而銘之彝器也

格伯簋

則者地未成國之名見周禮大宗伯鄭注五命賜則王之下大夫出封加一等也

宄盃

周禮春官內史掌王八枋之法凡命諸侯及孤卿大夫則策命之王制祿則贊爲之以支出之掌書王命遂貳之此銘云作冊內史與周禮合鹵說文云西方鹹地也隳字說文所無當卽說文隳字解云規隳商也从又持萑一曰視遽兒一曰隳度也左襄二十五年傳楚爲掩度山林表淳鹵正義引賈侍中說山林之地九夫爲度九度而當一井淳鹵之地九夫爲表六表而當一井此鹵地當曰百表而曰百隳隳卽度也淳鹵而以度計豈

周制與楚異乎

穀父甗

案甗字从鼎者甗亦鼎屬也爾雅釋器以鼎之欸足者爲鬲說文云鬲鼎屬鬲鬲甗也甗甗也一曰穿也案甗以金冶而成者甗以陶旂而成者甗是鼎屬甗是甗屬也

壺甗

案甗卽鬲字也禮明堂位夏后氏之四璉璉一作輦說文作璉輦與虞聲近相通甗有上下二器上爲無底甗下爲鬲象重山形夏易首艮謂之連山連山者甗山也爾雅釋山重甗謙彝鼎文甗字有从自者卽謙之義作犬形者禮曲禮云犬曰羹獻說

文解獻字云宗廟犬名羹獻犬肥者以獻之从犬虜聲以此銘證之知虜為薦犬牲之器上司獻犧形或即犬牲也

帛女帛

案帛女即伯女左隱二十年傳紀子帛公羊穀梁作子伯史記伍子胥傳伯嚭論衡作帛喜古字通借也薛氏謂帛女宮女之有職者非也

王母帛

魯說文云帷也象耳頸足丸地之形古字同獸周書序武王伐殷往伐歸獸釋文本或作魯獸通狩詩車攻搏獸于敖後漢安帝紀注作薄狩狩宮田狩之宮也

戲伯帛

盥有二義周禮小宗伯辨六盥之名物注六盥謂六穀是盥作粢字解也說文云盥黍稷在器以祀者是盥作盛字解也周禮鬯人云崇門用瓢齋杜子春注云齋盛也帛為盛黍稷之器故曰齋

諸女匜

案左襄十九年傳諸子仲子戎子哀五年諸子鬻嬖之子荼嬖房元齡管子注諸子內官之號杜氏注一解為諸妾姓氏一解為庶公子俱失之諸子亦稱諸姬見漢書高五王傳此諸女即諸子諸姬之例又漢書元后傳云太子有妃有良娣有孺子妻妾凡三等此必從古制古禮太子當有妾御也奉匜沃盥妾御之職故作器也

王子申盛蓋

楚僭號稱王公子皆稱王子楚王子名申見于左傳者有二一為共王右司馬成六年以申息之師救蔡者一為平王長庶子字子西遜楚國立昭王而為令尹者此篆文工秀結體較長同于楚曾侯鐘曾侯鐘楚惠王器子西歷相昭王惠王此可直斷為子西器也

散氏盤

散氏著于周者有散宜生書君奭孔傳散氏宜生名考大戴禮記帝繫云帝堯取于散宜氏之子謂之女皇氏是當以散宜為氏生為名然薛書有散季敦此銘亦曰散氏則書傳以散為氏是也蔽散邑者斷其田境也左昭十四年傳叔魚蔽罪邢侯哀

十八年傳引書惟能蔽志蔽皆訓為斷竟經典境字此从止从竟省與說文从音从人之字義別止址也基址所竟是境界也表者井田間分界之木禮記郊特牲曰饗農及郵表畷禽獸鄭注郵表畷謂田畷所以督約百姓于田間之處也左襄二十五年傳表淳鹵賈逵注云淳鹵之地九夫為表國語周語單襄公曰周制有之曰列樹以表道韋注云表識也旣說文解云替替銳意也攷易豫九四朋盍簪京房易簪作摺陸希聲云摺今捷字鄭康成注云簪速也此云旣付散氏田器則旣義同簪捷速付之也

衛公孫呂戈

考工記冶氏為戈廣二寸內倍之胡三之援四之倨句外博重

三鋒鄭注戈今句予戟也內謂胡以內接秘者也說文戈平頭戟也戟有枝也二儀寶錄謂雙枝爲戟獨枝爲戈蚩尤造蓋戟與戈俱有援與胡內其不同者戟獨有刺戈之胡不冒援而出故曰平頭也考春秋左氏傳衛公族有公孫彌牟公孫免餘公孫無地公孫臣公孫丁而無公孫呂得此可補三傳所未備告既造字之省與船舟之船相同余所見戈有曰羊子之船戈牀大某某之船戈然則之造戈之文古人屢用之矣

### 高陽左戈

案陽陽古通詩湛露毛傳訓陽爲日禮祭義殷人祭其陽鄭注陽讀爲日雨日暘之暘書洪範時暘若漢書五行志作時陽若此陽字从日橫之合體于易成陽字左文十八年傳高陽氏有

才子八人杜注高陽帝顓頊之號春秋時邾莒麋楚諸國皆高陽苗裔通志載以名爲氏者有高陽氏引呂氏春秋古辯土高陽離則此高陽乃作戈者之氏也古者諸侯行必有二人執戈先之左昭元年傳楚公子圍設服離衛叔孫穆子曰楚公子美矣君哉鄭子皮曰一執戈者前矣此國君當有二戈在前之證此戈云高陽左者或高陽氏之諸侯左右二戈中之一戈與又考古戈銘有作右軍者古行軍左在右局謂之上下軍亦謂之左右軍或此戈爲左軍所用故以左字志之

### 宋戴公戈

朝當爲朝詩怒如調飢釋文作朝今作調者字形相近而誤朝音周周朝一聲之轉古字通借此戈借爲朝觀之朝猶毛詩借

為朝夕之朝矣其右旁近舟古鐘鼎舟周每同字也謂商戴公為宋戴公者春秋傳禮記凡有三證詳銅距末跋宋人本其古國而稱商猶晉詩之稱為唐風也檀弓孔子曰某殷人也皆同此例矣案史記戴公為微子八世孫當幽王之世釋歸字者石鼓文作歸从辵是其證也此戈乃戴公朝于平王歸後所作至子武公時始加銘追記作戈時乃朝王之後故稱諡也戈造于先銘勒于後故文鑿而非鑄

欒左軍戈

欒字古欒省齊有欒施晉有欒枝欒書欒厲欒盈左軍即下軍古人尚右則左為下矣晉有三軍左僖二十七年傳城濮之戰欒枝將下軍文十二年傳河曲之戰欒盾將下軍宣十二年傳邲之戰欒書佐下軍成二年傳鞏之戰書將下軍此戈其晉欒氏之物與然則高陽左戈之左亦左軍也後載戈銘有作左軍者今據此釋為左軍

周龍伯戟

周禮旅賁氏掌執戈盾戈戟同物也此旅賁所執之戟故曰奔戟賁作奔者古文也詩鶉之奔奔禮記表記作鶉之賁賁孟子音義引丁音虎賁先儒言如猛虎之奔漢書百官公卿表更名虎賁即注云賁讀與奔同言如猛獸之奔證之此銘虎賁旅賁之賁當作奔也續漢書志注王莽以古有勇士孟賁故名焉

象形句兵

程易疇云此句兵戟屬也顧命曰一人冕執殳立於東巫一人

冕執瞿立於西巫孔氏以為戮瞿皆戟屬似得之廣韻戮戮皆引顧命而以戟屬釋之是矣

周距末

翁覃溪閣學方綱據商國二字以為商器元謂此字不類商銘且色澤亦不類商之古此蓋周器宋人物也宋人每稱宋為商矣春秋左氏傳哀公九年利以伐姜不利子商杜預注子商謂宋又二十四年傳周公及武公娶于薛孝惠娶于商杜預注商宋也禮記樂記曰宜歌商鄭康成曰商宋詩皆其證也

周刀秘

詩瞻彼洛矣韉琫有秘毛傳云琫上飾秘下飾天子玉琫而琫秘諸侯璽琫而璆秘大夫鏐琫而鏐秘士瑒琫而瑒秘說文琫

琫天子皆以玉然則諸侯皆以金大夫皆以銀士皆以瑒也此刀秘未見其器不知何所質

周削

考工記築氏為削鄭注今之書刀博古圖題曰刀筆據史記蕭相國世家文及後漢書劉盆子傳注也然刀以書竹簡筆以書縑帛古明有二器不得以削為筆鄭云書刀是矣凡刀刃皆在外削刃獨在內故考工記云合六成規馬氏諸家以為偃曲却刃禮少儀云刀却刃授穎削授拊鄭注穎環也拊謂把蓋削曲刃本向內故不必却刃也說文所謂剗剗曲刀者即削也

秦斤

江鄭堂云毆繫之省左隱元年傳公曰爾有母遺繫我獨無杜

皇清經解

卷三十八

阮宮保鐘鼎彝器款識

九 庚申補刊

繫語助是殺之官焉

皆助語之辭若如俗讀屬下句則注當云緊發聲也如襄十四年傳王室之不壞緊伯舅是賴注則云緊發聲而隱元年傳注則云語助杜意緊字屬上爲句也得此斤銘可以證古義矣

### 宛仁弩機

黃帝作弩禮緇衣引書大甲云若虞機張鄭注機弩牙也周禮司弓矢掌四弩凡弩夾庾利攻守唐大利車戰野戰說文云弩弓有臂者主發謂之機則弩機之由來舊矣謂於越與吳讐敵而爲之非也春秋傳有宛射犬宛春此宛仁始造弩者名氏與

### 漢龍虎銅節

吳侃叔云楷古文菴爾雅陪闇卽諒陰之陰左傳鹿死不擇音

亦以音爲陰海鹽近出古甌有楯壁字楯亦古文菴蓋築菴之  
壁也可與此文參證

### 宜子孫鏹斗

說文解鏹字云鏹斗也廣韻云鏹刁斗也溫器三足而有柄又  
史記李廣傳孟康注以銅作鏹器受一斗晝炊飯食夜擊持行  
名曰刁斗蘇林曰形如鍬以銅爲之埤蒼云鏹溫器有柄斗似  
鏹周官鬱人鄭司農注鬱十葉爲貫百二十貫爲築以煮之鏹  
中停於祭前蓋鏹斗爲煮物之器故字从焦焦者持火爇物也

### 永平鈴

詩載見云和鈴央央左桓二年傳云錫鸞和鈴昭其聲也古者  
以鈴置於旂旆上所以和聲也

師旦鼎

元謂師旦周公也書君奭序周公爲師詩節南山赫赫師尹傳師太師周之三公或疑周公不當祭文王考魯有文王廟鄭有厲王廟並見左傳又周禮春官都宗人注王子弟則立其祖王之廟其祭祀王皆賜禽焉夏官祭僕凡祭祀王之所不與則賜之禽注王所不與同姓有先王之廟賈疏云魯衛之屬也据此則周公食采于周魯公封于魯並立文王廟禮也書洛誥明有禋文王武王之文薛氏欵識有魯公作文王鼎 內府所藏有魯公作太任鼎周公作周王太妣鼎無可疑矣朱右甫爲弼云周師旦鼎元年八月丁亥元年當是成王之元年何以言之武王克殷不改元故書洪範曰惟十有三祀且其時太公爲師故

詩大明云維師尙父周公爲師當在武王既歿之年攷漢志成

王元年乃周公攝政七年之明年書洛誥王在新邑烝祭歲鄭本王在新邑烝句祭歲句注云歲成王元年正月朔日也亦以

攝政七年之明年爲成王元年與漢志合特是召誥之作在周公攝政七年見于漢志鄭注云是時周公居攝五年非也召誥

曰惟二月既望越六日乙未王朝步自周則至于豐竊意王新卽政故至豐祭告先王且告將營東都史臣特書之猶虞書月

正元日舜格文祖之例詩周頌嗣王朝廟訪落求助正在此時故召公之言曰王乃初服又曰知今我初服初服初卽政也洛

誥周公曰朕復子明辟復還也又曰其基作民明辟基始也言成王始爲民君也史記周本紀云周公行政七年成王長周公

反政成王北面就羣臣之位成王在豐使召公復營洛邑如武  
王之意周公復卜申視<sub>空</sub>營築居九鼎焉據此則反政在營洛  
之前周公攝政之七年卽成王親政之元年也漢志成王在位  
三十年竹書紀年成王在位三十七年以周公攝政之一年爲  
元年知不然者時九鼎未定四方未靖武王之志未竟周公踐  
阼倍依朝諸侯稱成王爲王示天下以有統抗世子之法教成  
王不爲成王改元示天下以居攝之權亦示成王以世子之道  
竹書以居攝一年爲元年史記魯世家成王七年皆係後世追  
書也然則當時史臣紀事當何如書曰周公嘗自言之矣予乃  
允保大相東土允繼繼武王以出政或繼武王之年以紀年如  
武王卽位繼文王受命之年之例或直書攝政一年攝政二年

亦未可知也竹書云七年周公復政于王春二月王如豐則成  
王親政必在是年正月矣此鼎元年當是攝政之七年是時周  
公禋于文武祭器作焉曰受命受成王畱已治洛之命也不

敢臆斷屬江都焦里堂循推算之里堂曰周公攝政七年召誥

惟二月旣望越六日乙未是爲廿一日三月丙午朏是爲三月

三日三統麻推得二月乙亥朔三月甲辰朔十有二月戊辰晦

明年爲成王元年命伯禽俾候于魯之歲正月己巳朔以是推

之攝政七年有閏月在九月十月間成王元年無閏八月當得

乙未朔無丁亥日若謂依竹書紀年以成王元年卽周公攝政

元年則自周公攝政五年正月丁巳朔見于三統麻者上推至

元年得四年又自七年閏九月上推至元年十月該有二閏其

得五十月元年正月約得壬午朔八月約得戊申朔亦無丁亥  
惟周公攝政七年八月壬申朔是月既望為丁亥里堂之見亦  
與彌合愈知此鼎為周公作灼然無疑以古證古疑義永釋宋

復齋鐘  
鼎款識

楚公鐘

元謂范氏古鐘為楚惠王器按其紀年確然無疑惠王名章左  
傳及史記並同章上十字不可識錢獻之以為古能字通該此  
字為能字之省變考左傳楚昭王於魯定公六年遷郢漢志若  
屬南郡注云楚昭王畏吳自郢徙此後復還郢師古曰春秋傳  
作郢其音同此云徙自西陽者當即自都還郢之時是時越已  
滅吳楚東侵廣地至泗上無所畏懼故還舊都西陽漢志屬江

夏郢去都甚近其不曰徙自都而曰徙自西陽者西陽有先君  
廟觀下文作曾侯宗彝寘于西陽其義可見徙都大事告于祖  
廟而後行禮也楚之僭號久矣此曾侯其遠祖曾義為重亦為  
高凡先祖皆可稱曾祖曾侯猶先公也穆者廟之序商者鐘之  
音也史記楚世家鬻熊之子曰熊麗熊麗生熊狂熊狂生熊繹  
左氏傳言熊繹事康王熊狂當在成王時鐘其所作然史記言  
熊繹始封于楚此已稱楚公者按大戴記陸終氏六子其六曰  
季連季連者楚氏也則楚固舊封至熊繹乃加地耳宋王復齋  
鐘鼎款識  
校勘經傳莫先於吉金其次則漢魏六朝碑版文字

若宋刻元鑄版本又其次矣積古齋鐘鼎彝器款識

阮宮保師所著也如虎父丁鼎辨亞字乃兩弓相背

非兩已相背又子燮兕觥云不得以儀禮少牢特牲  
 大夫士之祭無兕觥而遂以觥為罰爵諸如此類精  
 確異常原書分為十卷今將闕涉經傳者輯為二卷  
 宮保師又就宋王復齋所藏鐘鼎文別為欸識一書  
 其中如周師旦鼎楚公鐘較詳於是編者因附錄於  
 卷末共計二百二十九則錢塘弟子嚴杰謹識

刑部山西司郎中臨川李秉文刊

皇清經解卷一千五十八終

嘉應張嘉洪舊校  
 番禺黎永椿新校

